



Godina IV - Broj 50

Četvrtak, 28. decembra/prosinca 1995.
SARAJEVO

Akontacija pretplate
se utvrđuje
kvartalno

548

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA ZAKONA O ODREĐIVANJU GRANIČNIH PRELAZA REPUBLIKE BOSNE I HERCEGOVINE

Prolašava se Zakon o izmjenama Zakona o određivanju graničnih prelaza Republike Bosne i Hercegovine, koji je donijela Skupština Republike Bosne i Hercegovine na sjednici Skupštine od 12. decembra 1995. godine.

PR broj 1863/95
22. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O IZMJENAMA ZAKONA O ODREĐIVANJU GRANIČNIH PRELAZA REPUBLIKE BOSNE I HERCEGOVINE

Član 1.

U Zakonu o određivanju graničnih prelaza Republike Bosne i Hercegovine ("Službeni list RBiH", br. 24/92 i 13/94), u članu 1. u tački a) alineja 1. mijenja se i glasi:

- "drumski prelazi Ivanica, Neum, Doljani, Crveni Grm, Orahovlje, Gorica, Osoje, Kamensko, Strmica, Uzljebić, Izačić, Velika Kladuša, Bosanska Dubica, Bosanska Gradiška, Bosanski Brod, Domaljevac i Bosanski Šamac".

Član 2.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

549

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, donosi

UREDBU SA ZAKONSKOM SNAGOM O DOPUNAMA ZAKONA O PREUZIMANJU SREDSTAVA BIVŠE SOCIJALISTIČKE FEDERATIVNE REPUBLIKE JUGOSLAVIJE U SVOJINU REPUBLIKE BOSNE I HERCEGOVINE

Član 1.

U Zakonu o preuzimanju sredstava bivše Socijalističke Federativne Republike Jugoslavije u svojinu Republike Bosne i Hercegovine ("Službeni list RBiH", br. 6/92 i 13/94) u članu 1. iza stava 2. dodaje se novi stav 3. koji glasi:

"Ugovori o kupoprodaji stanova, poslovnih prostora i garaža, zaključeni na osnovu odredaba Zakona o pravima i dužnostima saveznih organa u pogledu sredstava u društvenoj svojini koja oni koriste ("Službeni list RBiH", br. 2/92 i 13/94) i Zakona o stambenom osiguranju u JNA ("Službeni list RBiH", br. 2/92 i 13/94) su ništavni".

Pitanja u vezi sa otkupom nekretnina, koje su bile predmet ovih ugovora, uredit će se zakonom."

Član 2.

Ova uredba objavljena je na oglasnoj tabli Predsjedništva Republike Bosne i Hercegovine dana 22. decembra 1995. godine kada je i stupila na snagu. Objavit će se i u "Službenom listu RBiH".

PR broj 1866/95
22. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

550

Polazeći od odredaba Opšteg okvirnog sporazuma o miru u Bosni i Hercegovini od 14. decembra 1995. godine, Predsjedništvo Republike Bosne i Hercegovine, na prijedlog Ministarstva odbrane, na osnovu Amandmana LI tačka 5. stav 3. na Ustav Republike Bosne i Hercegovine, na sjednici od 22. decembra 1995. godine, donijelo je

ODLUKU

O UKIDANJU RATNOG STANJA

I

Na teritoriji Republike Bosne i Hercegovine ukida se ratno stanje, uvedeno Odlukom Predsjedništva Republike Bosne i Hercegovine od 20. juna 1992. godine ("Službeni list RBiH", br. 7/92 i 13/94).

II

Odluka o proglašenju neposredne ratne opasnosti od 8. aprila 1992. godine ("Službeni list RBiH", br. 1/92 i 13/94) ostaje na snazi.

III

Svi državni organi će bez odlaganja izvršiti pripreme i pristupiti sprovođenju Opšteg okvirnog sporazuma o miru u Bosni i Hercegovini.

IV

Ministarstvo odbrane će, u zajednici sa Generalštabom Armije Republike Bosne i Hercegovine i drugim državnim organima, preduzeti potrebne mjere u cilju sprovođenja ove odluke.

V

O ovoj odluci Predsjedništvo Republike Bosne i Hercegovine će obavijestiti Savjet bezbjednosti Ujedinjenih nacija.

VI

Ova odluka objavljena je na oglasnoj tabli Predsjedništva Republike Bosne i Hercegovine dana 22. decembra 1995. godine kada je i stupila na snagu, a objavit će se i u "Službenom listu RBiH".

PR broj 1861/95
22. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

551

Na osnovu čl. 2. i 16. Zakona o pomilovanju ("Službeni list SRBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 22. decembra 1995. godine, donijelo je

ODLUKU

O ABOLICIJI PO SLUŽBENOJ DUŽNOSTI

I

Oslobadaju se od daljeg krivičnog gonjenja, u cilju razmjene za lica zarobljena od strane agresora:

1. KRSTIĆ (Vaso) ČEDO
2. GOLUB (Petar) MILOVAN
3. TOLJ (Nedo) DRAGO
4. KRSTIĆ (Đorđe) MILOŠ
5. KRSTIĆ (Jovo) PREDRAG
6. MILANOVIĆ (Božidar) DANKO
7. KRSTIĆ (Staniša) MARINKO
8. ŽUŽA (Miloš) MIOBRAG
9. LOJANICA (Gojko) MILORAD
10. VARAGIĆ (Božidar) MILORAD
11. ĐORĐIĆ (Ilija) BOŽIDAR
12. ĐORĐIĆ (Ilija) BRANKO
13. ZIMONJA (Danilo) SRETKO
14. JOKANOVIĆ (Milenko) MILAN
15. SAMOUKOVIĆ (Nedeljko) NEDELJKO
16. GLAVAŠ (Mirko) BRANKO
17. NJEGO VAN (Milovan) VOJNO
18. LOJANICA (Kosta) KOSTA
19. LOJANICA (Stojan) ŽARKO
20. KRSTIĆ (Svetozar) SRETEN
21. ŠUVAJLO (Spasoje) BORO
22. GOLUB (Milidrag) RANKO
23. LJUJIĆ (Božo) DRAGO
24. VITOR (Savo) NIKOLA
25. KRSTIĆ (Milan) MOMIR
26. VITOR (Zdravko) SRETEN
27. KRSTIĆ (Đorđe) BORO
28. KRSTIĆ (Staniša) RISTO

29. NJEGO VAN (Stevan) DANILO

30. GLAVAŠ (Savo) BRANISLAV

31. LALUŠIĆ (Branko) NEDO

32. MAGAZIN (Rajko) NEDELJKO

33. LALUŠIĆ (Stjepan) RADOSLAV

34. VITOR (Zdravko) OSTOJA

35. KRSTIĆ (Rajko) TIHOMIR

36. ZINDOVIĆ (Lazar) KRSTO

37. GAVRILOVIĆ (Milenko) SRETEN

38. ŠUVAJLO (Boško) MLADEN

39. ĐURIĆ (Vitomir) DRAGAN

40. STANIŠIĆ (Svetislav) VELISAV

41. JEVTIĆ (Milan) MIRKO

42. LAZIĆ (Milan) RAJKO.

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-011-802/95
22. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

552

Na osnovu čl. 2. i 16. Zakona o pomilovanju ("Službeni list RBiH", broj 17/77 i "Službeni list RBiH", br. 6/92 i 13/94) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 22. decembra 1995. godine, donijelo je

ODLUKU

O POMILOVANJU PO SLUŽBENOJ DUŽNOSTI

I

Oslobadaju se od daljeg izvršenja kazne zatvora, u cilju razmjene za lica zarobljena od strane agresora:

1. OBRADOVIĆ (Dušan) MILAN
2. KOVAČEVIĆ (Milivoj) NEBOJŠA
3. BOKAN (Radmilo) ALEKSANDAR
4. BOKAN (Radmilo) MILOŠ
5. BOKAN (Radmilo) NENAD

II

Odluka stupa na snagu danom izvršene razmjene.

III

Ovlašćuje se Državna komisija za razmjenu ratnih zarobljenika da izvrši provođenje ove odluke.

IV

Odluku objaviti u "Službenom listu RBiH".

Broj 02-011-803/95
22. decembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

553

Na osnovu člana 20. stav 1. Zakona o okružnim vojnim sudovima ("Službeni list RBiH", br. 12/92, 21/92, 23/92, 17/93, 22/93 i 28/94), na prijedlog ministra pravde, Predsjedništvo Republike Bosne i Hercegovine, na sjednici od 22. decembra 1995. godine, donijelo je

ODLUKU**O IZBORU SUDIJA-POROTNIKA OKRUŽNOG VOJNOG SUDA U TUZLI****I**

Za sudije - porotnike Okružnog vojnog suda u Tuzli, biraju se:

1. MULIĆ FAHRUDIN
2. RAMADANOVIĆ REDŽEP
3. ATIĆ AJŠA
4. MUMINOVIĆ ABDULAH
5. HADŽIMEHMEDOVIĆ AHMED
6. IZIĆ FADIL
7. DIZDAREVIĆ DŽEVAD
8. MAGLIĆ DŽEVAD
9. MEHIČIĆ HIKMET
10. KOSJEK IVAN
11. SPREČIĆ DŽEVAD
12. SMAJLOVIĆ SEJFUDIN
13. DJEDOVIĆ SEAD
14. KUSTURICA NAZIF
15. ČELO ZEJČIR
16. BANDA DŽEMAL

II

Ovu odluku objaviti u "Službenom listu RBiH".

Broj 02-111-817/95 Predsjednik
22. decembra 1995. godine Predsjedništva RBiH,
Sarajevo Alija Izetbegović, s. r.

554

Na osnovu člana 11. Zakona o Okružnom vojnom tužilaštvu ("Službeni list RBiH", br. 12/92, 21/92, 23/92, 22/93, 13/94, 28/94 i 33/94), na prijedlog ministra pravde, Predsjedništvo Republike Bosne i Hercegovine, na sjednici od 22. decembra 1995. godine, donijelo je

ODLUKU**O RAZRJEŠENJU I IMENOVANJU OKRUŽNIH VOJNIH TUŽILACA I ZAMJENIKA OKRUŽNIH VOJNIH TUŽILACA****I**

Razrješava se dužnosti okružnog vojnog tužioca u Zenici MULARIFOVIĆ KEMAL, radi odlaska na drugu dužnost.

II

Razrješava se dužnosti zamjenika okružnog vojnog tužioca u Zenici SULJEVIĆ SEFEDIN, radi odlaska na drugu dužnost.

III

Za okružnog vojnog tužioca u Zenici imenuje se SULJEVIĆ SEFEDIN, do sada zamjenik okružnog vojnog tužioca u Zenici.

IV

Odluku objaviti u "Službenom listu RBiH".

Broj 02-111-823/95 Predsjednik
22. decembra 1995. godine Predsjedništva RBiH,
Sarajevo Alija Izetbegović, s. r.

555

Na osnovu člana 20. stav 1. Zakona o okružnim vojnim sudovima ("Službeni list RBiH", br. 12/92, 21/92, 23/92, 17/93, 22/93 i 28/94), na prijedlog ministra pravde, Predsjedništvo Republike Bosne i Hercegovine, na sjednici od 22. decembra 1995. godine, donijelo je

ODLUKU**O IZBORU SUDIJE OKRUŽNOG VOJNOG SUDA U SARAJEVU****I**

Za sudiju Okružnog vojnog suda u Sarajevu izabran je BAJRIĆ SULEJMAN, do sada sudija Okružnog vojnog suda u Mostaru.

II

Ovu odluku objaviti u "Službenom listu RBiH".

Broj 02-111-824/95 Predsjednik
22. decembra 1995. godine Predsjedništva RBiH,
Sarajevo Alija Izetbegović, s. r.

556

Na osnovu člana 4. st. 1. i 2. Zakona o plaćama i drugim ličnim primanjima radnika ("Službeni list RBiH", broj 21/95), Vlada Republike Bosne i Hercegovine, daje

SAOPĆENJE**O NAJNIŽOJ PLAĆI ZA MJESEC DECEMBAR 1995. GODINE**

1. Vlada Republike Bosne i Hercegovine, na prijedlog ministra za izbjeglice i socijalnu politiku i ministra finansija utvrdila je najnižu plaću za mjesec decembar 1995. godine u iznosu:

a) za preduzeća i druga pravna lica i samostalne privrednike iz člana 3. Zakona o plaćama i drugim ličnim primanjima radnika u iznosu od 3.200 dinara (bruto 5.613 dinara),

b) za preduzeća i druga pravna lica iz člana 1. Zakona o plaćama i drugim ličnim primanjima radnika u iznosu od 2.700 dinara (bruto 4.736 dinara).

2. Ovo saopćenje objavit će se u "Službenom listu RBiH".

V broj 245/95

27. decembra 1995. godine Sekretar
Sarajevo Safet Pašić, s. r.

557

Na osnovu člana 63. stav 4. Zakona o putevima ("Službeni list SRBiH", broj 10/90 i "Službeni list RBiH", br. 21/92, 13/94 i 33/95), Ministarstvo prometa i komunikacija, donosi

RJEŠENJE**O VISINI POSEBNE NAKNADE ZA BOSANSKOHERCEGOVAČKI AUTO-MOTO KLUB SLUŽBA "POMOĆ - INFORMACIJE"**

1. Imaoci drumskih motornih i priključnih vozila, izuzev vozila iz člana 65. Zakona o putevima, prilikom registracije vozila plaćaju posebnu naknadu za Službu "Pomoć - informacije" (u daljem tekstu: naknada), i to:

- za motocikle u iznosu od..... 4 DEM;

- za putničke automobile i traktore u iznosu od..... 8 DEM;

- za autobuse, teretna motorna vozila i priključna vozila u iznosu od..... 15 DEM.

Naknada se plaća u jednokratnom iznosu, unaprijed za godinu dana od dana registracije vozila.

2. Naknade iz tačke 1. ovog rješenja obračunavaju se u DEM, a plaćaju u dinarskoj protuvrijednosti po srednjem kursu, koji utvrđuje i objavljuje Narodna banka Bosne i Hercegovine, na dan plaćanja.

3. Naknade utvrđene tačkom 1. ovog rješenja uplaćuju se na poseban račun Bosanskohercegovačkog auto-moto kluba (u daljem tekstu: BIHAMK), sa naznakom: za Službu "Pomoć-informacije".

4. Sredstva ostvarena naplatom posebne naknade BIHAMK će koristiti isključivo za finansiranje Službe "Pomoć-informacije".

5. BIHAMK je obavezan da Ministarstvu prometa i komunikacija dostavlja na saglasnost godišnji plan utroška sredstava iz tačke 1. ovog rješenja i polugodišnji i godišnji izvještaj o realizaciji tog plana.

6. Danom stupanja na snagu ovog rješenja prestaje da važi Odluka o visini i načinu plaćanja posebne naknade za drumska motorna i priključna vozila ("Službeni list SRBiH", broj 5/92).

7. Ovo rješenje stupa na snagu osmog dana od dana objavljivanja u "Službenom listu RBiH".

Broj 01-021-2379/95

24. decembra 1995. godine
Sarajevo

Ministar
Ibrahim Koluder, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. stav 1. tačka 3. Poslovnika Ustavnog suda Bosne i Hercegovine, na sjednici održanoj 30. 11. 1995. godine, donio je

ODLUKU

Ukida se odredba člana 27. Pravilnika o primjeni poreskih stopa, poreskih olakšica i oslobađanja i o načinu vođenja evidencije, obračunavanja i plaćanja poreza na promet proizvoda i usluga, koji je donio ministar finansija 31. jula 1995. godine ("Službeni list RBiH", broj 31/95).

Ova odluka će se objaviti u "Službenom listu RBiH".

SADRŽAJ

548	Zakon o izmjenama Zakona o određivanju graničnih prelaza Republike Bosne i Hercegovine	1205
549	Uredba sa zakonskom snagom o dopunama Zakona o preuzimanju sredstava bivše Socijalističke Federativne Republike Jugoslavije u svojini Republike Bosne i Hercegovine	1205
550	Odluka o ukidanju ratnog stanja	1205
551	Odluka o aboliciji po službenoj dužnosti	1206
552	Odluka o pomilovanju po službenoj dužnosti	1206
553	Odluka o izboru sudija-porotnika Okružnog vjornog suda u Tuzli	1206
554	Odluka o razrješenju i imenovanju okružnih vojnih tužilaca i zamjenika okružnih vojnih tužilaca	1207
555	Odluka o izboru sudije Okružnog vjornog suda u Sarajevu	1207

556	Saopćenje o najnižoj plaći za mjesec decembar 1995. godine	1207
557	Rješenje o visini posebne naknade za bosanskohercegovački auto-moto klub Služba "Pomoć - informacije"	1207

USTAVNI SUD BOSNE I HERCEGOVINE

Odluka - Ukida se odredba člana 27. Pravilnika o primjeni poreskih stopa, poreskih olakšica i oslobađanja i o načinu vođenja evidencije, obračunavanja i plaćanja poreza na promet proizvoda i usluga, koji je donio ministar finansija 31. jula 1995. godine

1208

Obrazloženje

Prijedlogom preduzeća "Tuzlaprevoz" d. d. Tuzla pokrenut je postupak za ocjenjivanje ustavnosti i zakonitosti navedene odredbe Pravilnika kojom je propisano da se uslugama prijevoza u međunarodnom transportu na koje se u skladu sa odredbama člana 22. stav 1. tačka 13. Zakona ne plaća porez na promet usluga, smatraju usluge prijevoza koje obave domaća pravna i fizička lica sa sjedištem na teritoriji Republike stranim pravnim i fizičkim licima sa sjedištem u inostranstvu, a naplaćene su u devizama. Navodi se da osporena odredba nije u saglasnosti sa odredbom člana 13. Zakona o porezu na promet proizvoda i usluga i članom 4. tačka 1. Zakona o međunarodnom drmskom transportu.

Prema Ustavu Republike Bosne i Hercegovine sistem, izvori i vrste poreza, taksa i ostalih dažbina ureduju se zakonom (član 292.). Funkcioneri koji rukovode republičkim organima uprave mogu donositi pravilnike za izvršavanje republičkih zakona, ako su za to ovlašćeni zakonom (član 376.).

Zakonom po rezu na promet proizvoda i usluga ("Službeni list RBiH", br. 5/95, 9/95 i 33/95) propisano je da se porez na promet proizvoda i usluga, između ostalog, ne plaća na usluge prijevoza što ga obave domaća pravna lica u međunarodnom prijevozu (član 22. tačka 13.).

Zakonom o međunarodnom drmskom transportu ("Službeni list RBiH", br. 13/94 i 33/95) propisano je da je "međunarodni prijevoz" svaki prijevoz koji obuhvaća prelazanje najmanje jedne državne granice (član 4. tačka 1.).

Iz navedenih ustavnih i zakonskih odredaba proizilazi da se samo zakonom, a ne pravilnikom organa uprave, koji je po svojoj prirodi akt kojim se izvršava zakon, mogu ustanovljavati poreske obaveze za pravna lica i građane. Stoga je Ustavni sud ocijenio da su nesaglasne sa Ustavom i zakonom odredbe člana 27. osporenog pravilnika, kojima se sužava zakonom utvrđen krug domaćih prijevoznika koji imaju pravo na poresko oslobađanje.

Odluka broj U 33/95
30. novembra 1995. godine
Sarajevo

Prava i dužnosti predsjednika
Ustavnog suda BiH vrši sudija,
prof. dr Ismet Dautbašić, s. r.

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza trgovine na malo.